

ÁKVÖRDUN FRAMKVÆMDASTJÓRNARINNAR

2013/EES/56/46

frá 24. mars 2009

um skilyrði fyrir því að plastkassar og -vörubretti séu undanþegin ákvæðum um styrk þungmálma sem kveðið er á um í tilskipun Evrópuþingsins og ráðsins 94/62/EB um umbúðir og umbúðaúrgang (*)

(tilkynnt með númeri C(2009) 1959)

(2009/292/EB)

FRAMKVÆMDASTJÓRN EVRÓPUBANDALAGANNA HEFUR,

sem lagðar eru fyrir framkvæmdastjórnina er mælt með að slíkar undanþágur séu heimilaðar.

með hliðsjón af stofnsáttmála Evrópubandalagsins,

með hliðsjón af tilskipun Evrópuþingsins og ráðsins 94/62/EB frá 20. desember 1994 um umbúðir og umbúðaúrgang⁽¹⁾, einkum 3. mgr. 11. gr.,

og að teknu tilliti til eftirfarandi:

1) Ákvörðun framkvæmdastjórnarinnar 1999/177/EB frá 8. febrúar 1999 um skilyrði fyrir því að plastkassar og -vörubretti séu undanþegin ákvæðum um styrk þungmálma sem kveðið er á um í tilskipun 94/62/EB um umbúðir og umbúðaúrgang⁽²⁾ féll úr gildi 2. febrúar 2009.

2) Þegar ákvörðun 1999/177/EB féll úr gildi var umtalsvert magn plastkassa og -vörubretta sem innihalda þungmálma með styrk umfram þann sem kveðið er á um í tilskipun 94/62/EB enn á markaði. Þar sem iðnaðurinn hefur ekki getu til að skipta út öllum slíkum kössum og vörubrettum er mikil hætt á að þeim verði fargað með urðun eða brennslu. Báðar lausnir myndu hafa skaðleg áhrif á heilbrigði og umhverfi.

3) Með tilskipun 94/62/EB er leitast við að takmarka þungmálma í umbúðum sem og að tryggja mikla umhverfisvernd, þ.m.t. endurnotkun og endurvinnsla.

4) Til að veita iðnaðinum tíma til að skipta þessum plastkössum og -vörubrettum út með bestu fánlegu tækni er viðeigandi að samþykkja skilyrði fyrir undanþágum varðandi slíka kassa og vörubretti sem eru í vöruhringferli í lokaðri og stýrðri keðju. Í vísindaskýrslum

5) Þar sem framkvæmdastjórnin hyggst eftir fimm ár endurskoða virkni kerfisins sem kveðið er á um í þessari ákvörðun og þann árangur sem náðst hefur í að fækka smám saman plastkössum eða -vörubrettum sem innihalda þungmálma er nauðsynlegt að aðildarríki leggi fram viðeigandi upplýsingar. Til þess að auka ekki núverandi stjórnsýsluálag með því að leggja á aðildarríkin sérstaka kvöð um skýrslugjöf er fullnægjandi að slíkar upplýsingar sé að finna í skýrslum sem lagðar eru fyrir framkvæmdastjórnina skv. 17. gr. tilskipunar 94/62/EB.

6) Með skírskotun til réttarvissu skal þessi ákvörðun koma til framkvæmdar frá næsta degi á eftir þeim degi þegar ákvörðun 1999/177/EB fellur úr gildi, til að forðast möguleg neikvæð áhrif af því að hún falli úr gildi.

7) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem komið var á fót skv. 21. gr. tilskipunar 94/62/EB.

SAMÞYKKT ÁKVÖRDUN ÞESSA:

1. gr.

Í þessari ákvörðun er merking eftirfarandi hugtaka sem hér segir:

1. „þungmálmar“: blý, kadmíum, kvikasílfur og sexgilt króm,

2. „notkun á þungmálum af ásettu ráði“: það að efni sem inniheldur þungmálma er notað af ásettu ráði í umbúðir eða efnisþátt umbúða í því skyni að búa til lokaafurð með tiltekinn eiginleika, tiltekið útlit eða tiltekin gæði,

(*) Þessi EB-gerð birtist í Stjtið. ESB L 79, 25.3.2009, bls. 44. Hennar var getið í ákvörðun sameiginlegu EES-nefndarinnar nr. 214/2012 frá 7. desember 2012 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbæti við Stjórnartíðindi Evrópusambandsins nr. 18, 21.3.2013, bls. 16.

(¹) Stjtið. EB L 365, 31.12.1994, bls. 10.

(²) Stjtið. EB L 56, 4.3.1999, bls. 47.

3. „ómeðvituð notkun á þungmálum“: það að þungmálmur eru innihaldsefni í umbúðum eða efnisþætti umbúða, en enginn ásetningur býr þar að baki.

2. gr.

Heildarstyrkur þungmálma í plastkössum og -vörubrettum má vera umfram viðeigandi mörk sem sett eru fram í 1. mgr. 11. gr. tilskipunar 94/62/EB að því tilskildu að kassarir eða vörubrettin séu tekin í notkun og verði í notkun fyrir vöruhringferli í lokaðri og stýrðri keðju samkvæmt þeim skilyrðum sem sett eru fram í 3., 4. og 5. gr.

3. gr.

1. Plastkassar og -vörubretti sem innihalda of mikið magn þungmálma eins og um getur í 2. gr. skal framleiða eða gera viðgerðir á í stýrðu endurvinnsluferli í samræmi við 2., 3. og 4. mgr. þessarar greinar.

2. Efnið sem notað er til endurvinnslu skal eingöngu koma úr öðrum plastkössum eða -vörubrettum.

Notkun annarra efna skal vera eins lítil og tæknilega er mögulegt og skal aldrei fara yfir 20% miðað við þyngd.

3. Óheimilt er að nota af ásettu ráði þungmálma í endurvinnslunni en öðru máli gegnir um ómeðvitaða notkun þessara þungmálma.

Það telst ekki notkun af ásettu ráði þegar endurinn efni sem geta innihaldið þungmálma að hluta til eru notuð sem hráefni við viðgerðir umbúðaefna.

4. Heildarstyrkur þungmálma í plastkössum og -vörubrettum má einungis vera umfram viðeigandi mörk sem sett eru fram í 1. mgr. 11. gr. tilskipunar 94/62/EB vegna notkunar á efnum sem innihalda þungmálma í endurvinnsluferlinu.

4. gr.

1. Plastkassar og -vörubretti sem innihalda of mikið magn þungmálma eins og um getur í 2. gr. skulu auðkennd á varanlegan og greinilegan hátt.

2. Aðildarríkin skulu tryggja að miðað við vistferil plastkassanna eða -vörubrettanna sé a.m.k. 90% af útsendum plastkössum og -vörubrettum sem innihalda of mikið magn

þungmálma, eins og um getur í 2. gr., skilað til framleiðanda, þess sem pakkar inn/fyllir á eða viðurkennds fulltrúa.

3. Með fyrirvara um ráðstafanirnar sem gripið er til skv. 6. gr. skal öllum plastkössum og -vörubrettum, sem skilað er samkvæmt þessari grein, og henta ekki lengur til endurnýtingar eða engin áform eru um að endurnýta, annað hvort fargað í samræmi við aðferð sem lögbær yfirvöld hlutaðeigandi aðildarríkis heimila sérstaklega eða þau endurinnin í stýrðu endurvinnsluferli í samræmi við 2., 3. og 4. mgr. 3. gr.

5. gr.

1. Aðildarríkin skulu kveða á um birgðastýringar- og skráningarkerfi sem og aðferð til að hafa eftirlit með lögbundnum og fjárhagslegum skyldum svo hægt sé að færa sönnur á að skilyrðunum sem mælt er fyrir um í þessari ákvörðun sé fylgt.

Kerfið skal gera grein fyrir öllum plastkössum og -vörubrettum sem innihalda of mikið magn þungmálma, eins og um getur í 2. gr., sem tekin eru í eða úr notkun.

2. Nema annað sé tilgreint í frjálsum samningi skulu aðildarríkin tryggja að framleiðandinn eða viðurkenndur fulltrúi hans setji árlega saman skriflega samræmisýfirlýsingu og árlega skýrslu sem sýnir hvernig skilyrðunum sem mælt er fyrir um í þessari ákvörðun hefur verið fylgt eftir. Skýrslan skal innihalda mögulegar breytingar á kerfinu og á viðurkenndum fulltrúum.

3. Aðildarríki skulu tryggja að vegna eftirlits geymi framleiðandinn eða viðurkenndur fulltrúi hans viðeigandi tæknigögn í fjögur ár hið minnsta þannig að þau séu aðgengileg lögbærum yfirvöldum.

Hafi hvorki framleiðandi né viðurkenndur fulltrúi hans staðfestu í Bandalaginu ber þeim aðila sem setur vöruna á markað í Bandalaginu skylda til að tryggja að viðeigandi tæknigögn liggja fyrir.

6. gr.

Aðildarríkin skulu grípa til ráðstafana til að hvetja framleiðendur til að rannsaka aðferðir til að ná smám saman viðeigandi mörkum um innihald þungmálma í plastkössum og -vörubrettum sem mælt er fyrir um í 1. mgr. 11. gr. tilskipunar 94/62/EB, þ.m.t. besta, fánlega tæknin til að skilja út þungmálma.

7. gr.

Í skýrslunum sem aðildarríkin eiga að leggja fyrir framkvæmdastjórnina skv. 17. gr. tilskipunar 94/62/EB skal koma fram ítarleg skýrsla um virkni kerfisins sem kveðið er á um í þessari ákvörðun og þann árangur sem náðst hefur í að fækka smám saman plastkössum eða -vörubrettum sem ekki eru í samræmi við 1. mgr. 11. gr. tilskipunar 94/62/EB.

8. gr.

Ákvörðun þessi gildir frá 10. febrúar 2009.

9. gr.

Ákvörðun þessari er beint til aðildarríkjanna.

Gjört í Brussel 24. mars 2009.

Fyrir hönd framkvæmdastjórnarinnar,

Stavros DIMAS

framkvæmdastjóri.
